

## Protocolo de actuación ante a aparición dun caso sospeitoso de COVID-19 na Universidade de Vigo

## Contido

|                                                                                          |   |
|------------------------------------------------------------------------------------------|---|
| Contido.....                                                                             | 2 |
| 1. Introducción.....                                                                     | 3 |
| 2. Definicións.....                                                                      | 3 |
| 3. Persoa encargada dos aspectos relacionados ca COVID-19 .....                          | 4 |
| 4. Sala COVID.....                                                                       | 5 |
| 5. Actuación das persoas con síntomas compatibles ca COVID-19 .....                      | 5 |
| 5.1 Persoal traballador da Universidade de Vigo .....                                    | 5 |
| 5.2 Alumnado da Universidade de Vigo .....                                               | 6 |
| 5.3 Persoal de empresas e entidades externas .....                                       | 6 |
| 6. Actuación do Servizo de Prevención de Riscos Laborais da Universidade de Vigo .....   | 7 |
| 7. Actuación do Departamento de Vixilancia da Saúde do Servizo de Prevención Alleo ..... | 7 |

Este documento está en revisión permanente en función da información emitida polos organismos competentes

## 1. Introducción.

O Ministerio de Sanidad, no marco do Plan para a transición cara a unha nova normalidade, do 28 de abril, publicou a Estratexia de diagnóstico, vixilancia e control na fase de transición da pandemia de COVID-19. Esta estratexia establece que o obxectivo nesta etapa é a detección precoz de calquera caso que poida ter infección activa, por tanto, poida transmitir a enfermidade.

As empresas, a través dos servizos de prevención, están chamadas a colaborar coas autoridades sanitarias na detección precoz de todos os casos compatibles con COVID-19 e os seus contactos, para controlar a transmisión. Os profesionais do servizo sanitario do servizo de prevención de riscos laborais serán os encargados de establecer os mecanismos para a detección, investigación e seguimento dos casos e contactos estreitos no ámbito das súas competencias, de forma coordinada coas autoridades de saúde pública, segundo o establece o documento do Ministerio de Sanidad «Procedemento de actuación para los servicios de prevención de riesgos laborales frente a la exposición al SARS-CoV-2» do 14 de xullo de 2020.

## 2. Definicións.

Caso sospeitoso de infección por SARS-CoV-2 a calquera persoa cun cadro clínico de infección respiratoria aguda de aparición súbita de calquera gravidade que cursa, entre outros, con febre, tose ou sensación de falta de aire. Outros síntomas atípicos como a odinofaxia, anosmia, axeusia, dores musculares, diarrea, dor torácica, cansazo xeneralizado ou cefalea, entre outros, poden ser considerados tamén síntomas de sospeita de infección por SARS-CoV-2 segundo o criterio clínico.

Calquera caso que cumpra co criterio clínico anterior considerase sospeitoso ata obter o resultado da PCR.

Caso probable é toda persoa con infección respiratoria aguda grave con cadro clínico e radiolóxico compatible con COVID-19 e resultados de PCR negativos, ou casos sospeitosos con PCR non concluínte.

Caso confirmado:

- Con infección activa:
  - Persoa que cumpre criterio clínico de caso sospeitoso e con PCR positiva.
  - Persoa que cumpre criterio clínico de caso sospeitoso, con PCR negativa e resultado positivo a IgM por seroloxía de alto rendemento (non por test rápidos).
  - Persoa asintomática con PCR positiva con IgG negativa ou non realizada.
- Con infección resolta.:
  - Persoa asintomática con seroloxía IgG positiva independentemente do resultado da PCR (PCR positiva PCR negativa ou non realizada).

Este documento está en revisión permanente en función da información emitida polos organismos competentes

Caso descartado, caso sospeitoso con PCR negativa e IgM tamén negativa, se esta proba realizouse, no caso que non haxa unha alta sospeita clínica.

Contacto estreito:

- Calquera persoa que proporcionase coidados a un caso: persoal sanitario ou sociosanitario que non utilizou as medidas de protección adecuadas ou persoas que teñan outro tipo de contacto físico similar.
- Calquera persoa que estivese no mesmo lugar que un caso, a unha distancia menor de 2 metros (exemplo visitas, reunión) e durante máis de 15 minutos.
- Calquera persoa que viaxe nun avión, tren ou outro medio de transporte terrestre de longo percorrido (sempre que sexa posible o acceso á identificación dos viaxeiros) nun radio de dous asentos ao redor do caso, así como a tripulación que tivese contacto co devandito caso.

### 3. Persoa encargada dos aspectos relacionados ca COVID-19

Cada centro universitario debe ter unha persoa encargada dos aspectos relacionados coa COVID-19 que será o director/a, decano/a ou persoa/as en quen delegue. A identidade desta ou destas persoas, deberá ser comunicada ao persoal e aos usuarios do centro así como ao Servizo de Prevención de Riscos Laborais da Universidade de Vigo.

A persoa encargada dos aspectos relacionados coa COVID-19 cando lle comuniquen un caso sospeitoso de COVID-19 realizará as seguintes actuacións:

- Solicitará o nome e o teléfono de contacto do caso sospeitoso e comunicarlle que debe realizar illamento domiciliario dende ese momento e poñerse en contacto co médico do servizo sanitario que lle corresponda por vía telefónica.
- Realizará, se a persoa afectada é persoal traballador da Universidade de Vigo, o cribado inicial de contactos estreitos do caso sospeitoso no ámbito laboral recompilando o nome e o número de teléfono dos posibles contactos estreitos, o período para considerar será desde 2 días antes do inicio dos síntomas ata o momento no que a persoa é illada.
- Comunicará, o máis axiña posible, ao Servizo de Prevención de Riscos da universidade o nome e número de teléfono tanto do caso sospeitoso como dos seus posibles contactos estreitos.
- Colaborará, se a persoa afectada pertence ao colectivo de estudantes, cos servizos públicos de saúde, na procura de contactos estreitos, se llo requiren.
- Colaborará, se a persoa afectada pertence unha empresa externa, cos servizos públicos de saúde, na procura de contactos estreitos, se llo requiren.

Este documento está en revisión permanente en función da información emitida polos organismos competentes

## 4. Sala COVID

En cada centro destinarase unha sala para illar as persoas que poidan presentar síntomas compatibles coa COVID-19 mentres non abandonan o centro, nos edificios compartidos por varios centros poderán ter unha única sala. Esta sala deberá contar cunha ventilación adecuada, máscaras cirúrxicas, luvas desbotables, solución alcohólica, papel ou panos desbotables e un cubo con tapa accionada por un pedal con bolsa que sexa resistente y que se poida pechar moi ben.

Logo da atención dunha persoa con síntomas na sala procederase a súa ventilación, limpeza e desinfección tendo en conta os seguintes aspectos:

- A sala deberá ventilarse como mínimo durante 4 horas e esta ventilación deberá ser, se é posible, tanto forzada como natural.
- Os labores de limpeza e desinfección non comezaran ata transcorridas 2 horas dende o inicio da ventilación, o persoal encargado da limpeza e desinfección da sala deberá estar informado e formado, utilizará máscara FFP2 e luvas que desbotarán ao rematar a tarefa.
- Dentro do protocolo de limpeza e desinfección da sala se deberán incluír as reixas de impulsión e retorno de aire, a extracción, limpeza e desinfección por pulverización dunha solución desinfectante da unidade interior se houbera (fancois, split).
- A bolsa de lixo co material utilizado pola persoa con sintomatoloxía compatible coa COVID deberá colocarse nunha segunda bolsa e unha vez pechada se depositará na fracción resto.

## 5. Actuación das persoas con síntomas compatibles ca COVID-19

### 5.1 Persoal traballador da Universidade de Vigo

Será responsabilidade do persoal traballador a vixilancia pasiva do seu estado de saúde.

- O persoal traballador da Universidade de Vigo afectado pola enfermidade COVID-19, que presente síntomas asociados a esta (febre, tose, dificultade para respirar, perda de olfacto e/ou gusto, diarrea, dor de garganta, dor muscular, dor de peito ou cansazo xeneralizado), que se lle diagnosticara a enfermidade e non finalizara o período de illamento requirido, ou que estea en corentena por ter contacto estreito con algunha persoa con síntomas ou diagnosticada de COVID-19 nos últimos 14 días, non acudirá ao seu centro de traballo e terá que comunicar o seu estado de saúde á persoa encargada dos aspectos COVID-19 do seu centro de traballo.
- Se durante a actividade na universidade algunha persoa traballadora presenta síntomas que puideran estar asociados ca COVID-19, avisarase á persoa encargada dos aspectos relacionados coa COVID-19 do centro, trasladarase á persoa afectada á sala do edificio destinada para tal fin (sala COVID), tanto á persoa acompañante como á persoa afectada se lles facilitará unha máscara cirúrxica. A persoa traballadora, en canto sexa posible, abandonará o centro de traballo coa máscara

Este documento está en revisión permanente en función da información emitida polos organismos competentes

colocada para realizar illamento domiciliario. Unha vez no seu domicilio, porase en contacto por vía telefónica co médico do servizo sanitario que lle corresponda (ou co 061 se o estado é grave), para comunicarlle a sintomatoloxía que deu lugar ao illamento domiciliario e seguir as indicacións que lle dean dende o servizo sanitario.

## 5.2 Alumnado da Universidade de Vigo

Será responsabilidade do alumnado a vixilancia pasiva do seu estado de saúde.

- O alumnado da Universidade de Vigo afectado pola enfermidade COVID-19, que presente síntomas asociados a esta (febre, tose, dificultade para respirar, perda de olfacto e/ou gusto, diarrea, dor de garganta, , dor muscular, dor de peito ou cansazo xeneralizado), que se lle diagnosticara a enfermidade e non finalizara o período de illamento requirido, ou que estea en corentena por ter contacto estreito con algunha persoa con síntomas ou diagnosticada de COVID-19 nos últimos 14 días, non acudirá as instalacións da universidade e terá que comunicar o seu estado de saúde á persoa encargada dos aspectos COVID-19 do centro onde curse estudos.
- Se durante a actividade na universidade alguén do alumnado presenta síntomas que puideran estar asociados ca COVID-19, abandonará a súa actividade, avisarase á persoa encargada dos aspectos relacionados coa COVID-19 do centro, trasladarase á persoa afectada á sala do edificio destinada para tal fin (sala COVID), tanto á persoa acompañante como á persoa afectada se lles facilitará unha máscara cirúrxica. A persoa afectada, en canto sexa posible, abandonará o centro de traballo coa máscara colocada para realizar illamento domiciliario. Unha vez no seu domicilio, porase en contacto por vía telefónica co médico do servizo sanitario que lle corresponda (ou co 061 se o estado é grave), para comunicarlle a súa sintomatoloxía e seguir as indicacións que lle dean dende o servizo sanitario.

## 5.3 Persoal de empresas e entidades externas

Será responsabilidade da persoa da empresa ou entidade externa a vixilancia pasiva do seu estado de saúde.

- O persoal das empresas ou entidades externas afectado pola enfermidade COVID-19, que presente síntomas asociados a esta (febre, tose, dificultade para respirar, perda de olfacto e/ou gusto, diarrea, dor de garganta, , dor muscular, dor de peito ou cansazo xeneralizado), que se lle diagnosticara a enfermidade e non finalizara o período de illamento requirido, ou que estea en corentena por ter contacto estreito con algunha persoa con síntomas ou diagnosticada de COVID-19 nos últimos 14 días, non poderá acudirá as instalacións da universidade.
- Se durante a actividade na universidade presenta síntomas que puideran estar asociados ca COVID-19, abandonará a súa actividade, avisarase á persoa encargada dos aspectos relacionados coa COVID-19 do centro, trasladarase á persoa afectada á sala do edificio destinada para tal fin

Este documento está en revisión permanente en función da información emitida polos organismos competentes

(sala COVID), tanto á persoa acompañante como á persoa afectada se lles facilitará unha máscara cirúrxica. A persoa afectada, en canto sexa posible, abandonará o centro coa máscara colocada para realizar illamento domiciliario. Unha vez no seu domicilio, porase en contacto por vía telefónica co médico do servizo sanitario que lle corresponda (ou co 061 se o estado é grave), para comunicarlle a súa sintomatoloxía e seguir as indicacións que lle dean dende o servizo sanitario.

## 6. Actuación do Servizo de Prevención de Riscos Laborais da Universidade de Vigo

O Servizo de Prevención de Riscos Laborais (SPRL) cando reciba a comunicación dun caso sospeitoso de COVID-19, por parte dunha das persoas encargadas dos aspectos relacionados coa COVID-19, realizará as seguintes actuacións:

- Asegurarase de que á persoa traballadora xa se lle indicou a necesidade de illamento domiciliario e non se atopa nas instalacións da universidade, a non ser que na comunicación xa figure este dato.
- Porase en contacto co Departamento de Vixilancia da Saúde do Servizo de Prevención Alleo, o máis axiña posible, para comunicarlle o nome e o número de teléfono do caso sospeitoso, así como os nomes e os números de teléfono dos posibles contactos estreitos do caso.

## 7. Actuación do Departamento de Vixilancia da Saúde do Servizo de Prevención Alleo

Unha vez recibida a comunicación dende o SPRL da Universidade de Vigo da existencia dun caso sospeitoso de COVID-19 entre o persoal traballador da Universidade de Vigo, o Departamento de Vixilancia da Saúde realizará as seguintes actuacións:

Contactará, por vía telefónica, co caso sospeitoso para solicitar información sobre a sintomatoloxía que deu lugar ao illamento e a valoración do seu caso que fixo o seu médico do servizo sanitario.

- Se o seu médico do servizo sanitario e o médico do traballo consideran que a sintomatoloxía que presenta a persoa traballadora non é sospeitosa de COVID-19, este permanecerá en illamento ata que o determine o seu médico do servizo sanitario e non se iniciará o procedemento de cribado de contactos estreitos.
- Se o seu médico do servizo sanitario considera que a sintomatoloxía é sospeitosa de COVID-19 o seu protocolo obrígalle a realizar PCR nas primeiras 24 horas e o Departamento de Vixilancia da Saúde comezará o procedemento de cribado de contactos estreitos, polo que procederá a contactar telefonicamente coa listaxe de posibles contactos estreitos para determinar se cumpren criterios ou non.

Este documento está en revisión permanente en función da información emitida polos organismos competentes

- Se o se médico do servizo sanitario ten dúbidas sobre se a sintomatoloxía que presenta a persoa traballadora é debida ao SARS-CoV-2, vai demorar a realización da PCR e realizará un seguimento da devandita sintomatoloxía. Nestes casos o Departamento de Vixilancia da Saúde expedirá un informe segundo o modelo do Anexo I do documento «Procedimiento de actuación para los servicios de prevención de riesgos laborales frente a la exposición al SARS-CoV-2» do Ministerio de Sanidad de data de 14 de xullo de 2020, declarando á persoa traballadora como “caso sospeitoso” en indicando o seu illamento domiciliario. Do mesmo xeito que no caso anterior o Departamento de Vixilancia da Saúde procederá ao cribado de contactos estreitos do caso sospeitoso no seu ámbito laboral por vía telefónica.
- Se a PCR do caso sospeitoso resultase negativa, suspenderase a identificación e control dos contactos. No caso de que se illara a contactos estreitos daráselles a alta.

A procura de contactos estreitos do caso sospeitoso corresponde ao Departamento de Vixilancia da Saúde no ámbito laboral. Para iso contactará telefonicamente cos posibles contactos estreitos e comprobará se cumpren criterios para a súa declaración. Se os cumpren lles expedirá o informe de contacto estreito segundo o modelo do Anexo I do documento «Procedimiento de actuación para los servicios de prevención de riesgos laborales frente a la exposición al SARS-CoV-2» do Ministerio de Sanidad de data de 14 xullo de 2020, para que o presenten ante o seu médico do servizo sanitario e lles indicará o illamento domiciliario durante 14 días contados dende o último día de contacto co caso sospeitoso.

Tamén corresponde ao Departamento de Vixilancia da Saúde o seguimento activo dos contactos estreitos no ámbito laboral. Este seguimento realizarase por vía telefónica, contactando diariamente coa persoa traballadora en illamento para comprobar se aparece sintomatoloxía sospeitosa ou non.

Se durante a vixilancia activa dos contactos estreitos algún deles desenvólvese sintomatoloxía compatible ca COVID-19 expediráselle o certificado de caso sospeitoso e remitiráselle por correo electrónico para que o presente por medios telemáticos ante o seu médico do servizo sanitario. Se a sintomatoloxía aparece antes de transcorrer 48 horas dende o illamento iniciárase o procedemento de procura de contactos estreitos no ámbito laboral. Se fose despois de 48 horas dende o illamento non se realizará o cribado de contactos estreitos. Informarase por escrito ao SPRL da Universidade de Vigo do paso de contacto estreito a caso sospeitoso e da necesidade de buscar de novo contactos estreitos do dito caso.

O Departamento de Vixilancia da Saúde informará ao SPRL da Universidade de Vigo da declaración de casos sospeitosos e de contactos estreitos.

A volta a actividade laboral, tanto dos casos como dos contactos estreitos que estean en situación de incapacidade temporal (IT), é competencia do médico do servizo sanitario da persoa traballadora.

Este documento está en revisión permanente en función da información emitida polos organismos competentes